

130 anggota Siswa APM UMS sertai Kem Tahunan

UB 6.4.2018 B3
 LABUAN: Seramai 130 anggota Pasukan Siswa Angkatan Pertahanan Awam Malaysia Universiti Malaysia Sabah (Pasukan Siswa APM UMS) menyertai Kem Latihan Tahunan Pasukan Siswa APM UMS 2018 yang diadakan di Pusat Kawalan Operasi APM Daerah WP Labuan.

Daripada jumlah ini, 75 orang adalah anggota Pasukan Siswa APM UMS Kampus Induk Kota Kinabalu dan 55 anggota Pasukan Siswa APM UMS Kampus Antarabangsa Labuan (UMSKAL).

Kem itu berlandaskan

objektif memberi ruang dan peluang kepada anggota Pasukan Siswa APM UMSKAL mempertingkatkan ketahanan fizikal, mental dan daya kerohanian yang seimbang melalui aktiviti mencari dan menyelamatkan mangsa bencana, dan pendedahan tentang pengurusan bencana bagi memberikan perkhidmatan yang terbaik untuk kesejahteraan rakyat dan negara.

Majlis penutupan Kem Latihan Tahunan Pasukan Siswa APM UMS 2018 telah



NORAZAH menerima tabik hormat sebelum memulakan Majlis Penutupan Kem Latihan Tahunan Pasukan Siswa APM UMS 2018.

disempurnakan oleh Leftenan Kolonel Bersekutu (PA) Profesor Madya Dr Hajah Norazah Mohd Suki selaku Pegawai Bersekutu Pasukan Siswa APM UMSKAL.

Turut hadir di majlis itu ialah Ketua Jurulatih Pasukan Siswa APM UMS Kapt (PA) Zulfaituri Ramlee, Ketua Jurulatih Pasukan Siswa APM UMSKAL Kapt (PA)

Japli Siping, Lt (PA) Marinus Mathius, Lt M (PA) Mohd Bakhtiar Yamba, Lt (PA) Omar Abbas dan Sjn (PA) Awang Azami Kassim.

“Bekalan ilmu pertahanan awam secara teori dan praktikal, di samping semangat kesukarelawanan yang tinggi dalam kalangan sukarelawan amat bernilai bagi membantu APM

Daerah menghadapi bencana termasuk melaksanakan sebarang aktiviti kesedaran keselamatan awam, kesiapsiagaan menghadapi kecemasan dan bencana,” kata Norazah.

“Amalan sikap sentiasa cintakan kepada tanah air, hormat menghormati sesama individu, cekap, berkualiti tinggi, berintegriti, berdisiplin, tidak mementingkan diri sendiri dan bekerja dengan semangat berpasukan ke arah menjadikan pertahanan awam sebagai peneraju keselamatan awam turut dititikberatkan kepada Pasukan Siswa APM UMS,” tambahnya.

Beliau berkata penglibatan beberapa warga kerja APM Daerah WP Labuan yang bertindak sebagai jurulatih



SIMULASI aktiviti mencari dan menyelamatkan mangsa bencana.

dan ahli jawatankuasa bagi Kem Latihan Tahunan itu di samping beberapa anggota Pasukan Siswa APM

UMSKAL Semester 6 turut membantu memperkasakan aktiviti-aktiviti yang dirancang.



NORAZAH menerima cenderahati daripada Japli.



SIMULASI aktiviti mengusung mangsa bencana menuruni bukit.



(Gambar atas) PENDEDAHAN pengurusan bencana.

(Gambar kiri) ANGGOTA Pasukan Siswa APM UMS dibekalkan pendedahan tentang ilmu pengurusan bencana.

